

明無際塵緣漠漠似千里晴空幻生雲翳仗此靈風一時吹掃
莫留滯 來之翛然往焉適耳從伊旌點鼠肝蟲臂變化洪鑑
存亡皆可除外甚麼堪畏逢魔遇阻駕神馬尻輪去留誰計穩
坐忘懷始終憑此志

春從天上來

翼翼塵埃嘆自古悠悠不肖沉埋利名場上人我叢中單認這
箇形骸念本來一點誰無分都是仙材謾疑猜喚千聲酩酊不
肯頭回 何日夢中驚覺管識破從前白蟻庭槐洞天深處霞
友雲朋啖冰咀雪相陪對紫芝幽圃香風裏碧酒傾盃信悠哉
有龍蟠虎遶沉醉蓬萊

道藏輯要

雲山集

十一

又易集六

天壽節

帝錫嘉祥正九五龍飛大業繁昌韓旋洪造整頓乾坤雷轟電
製成章向玉京金闕威音震膽裂遐荒勝陶唐應羣真交會四
海平康 宵論普天率土但蠢爾生民共賴胥匡蛸蠕蟻葵
藿傾心曷報惠澤恩光炷蘭薰瑞靄祈黃屋枝葉聯芳祝吾皇
願龍圖永固聖壽無疆

其三

身世蝸蠻在一氣盈虛宛轉循環電光影裏石火星中生滅如
許時間盡勞神膠擾名與利抵死相干自摧殘爲一團虛幻百
種機關 曉在眼前不見但認假爲真倒大癡頑太平難遇真